




АКАФИСТ

НИКОЛАЮ ЧУДОВТОРЦУ



КОНДА́К 1.

ВОЗБРА́ННЫЙ ЧУДОТВО́РЧЕ И ИЗРЯ́ДНЫЙ УГО́ДНИЧЕ
ХРИСТО́В, МІРУ ВСЕМУ́ ИСТОЧА́ЯЙ МНОГОЦѢ́ННОЕ
МИ́ЛОСТИ МІРО И НЕИСЧЕРПА́ЕМОЕ ЧУДЕ́С МО́РЕ,
ВОСХВАЛЯ́Ю ТЯ́ ЛЮБО́ВИЮ, СВЯТИ́ТЕЛЮ НИКО́ЛАЕ;
ТЫ́ ЖЕ, ЯКО́ ИМЕ́ЯЙ ДЕРЗНОВѢ́НИЕ КО́ ГОСПОДУ, ОТ
ВСЯ́КИХ МЯ́ БЕ́Д СВОБОДИ́, ДА ЗОВУ́ ТИ́:
РА́ДУЙСЯ, НИКО́ЛАЕ, ВЕЛІ́КИЙ ЧУДОТВО́РЧЕ.

Ў́КОС 1.

А́НГЕЛА О́БРАЗОМ, ЗЕМНА́ГО СУ́ЩА ЕСТЕСТВО́М, ЯВИ́ ТЕБѢ́
ВСЕЯ́ ТВА́РИ СОЗДА́ТЕЛЬ: БЛАГОПЛО́ДНУЮ БО ДОБРО́ТУ
ДУШІ́ ТВОЕЯ́ ПРОВІ́ДЕВ, ПРЕБЛАЖѢ́ННЕ НИКО́ЛАЕ, НАУЧИ́
ВСѢ́Х ВОПИ́ТИ ТЕБѢ́ СИ́ЦЕ:
РА́ДУЙСЯ, ОТ УТРО́БЫ МА́ТЕРНИЯ ОЧИЩѢ́ННЫЙ;
РА́ДУЙСЯ, ДА́ЖЕ ДО КОНЦА́ ОСВЯЩѢ́ННЫЙ.
РА́ДУЙСЯ, РОЖДЕ́НИЕМ СВОИ́М РОДИ́ТЕЛЕЙ УДИВИ́ВЫЙ;
РА́ДУЙСЯ, СИ́ЛУ ДУШЕ́ВНУЮ А́БИЕ ПО РОЖДЕСТВѢ́
ЯВИ́ВЫЙ.
РА́ДУЙСЯ, СА́ДЕ ЗЕМЛІ́ ОБЕТО́ВАНІЯ;
РА́ДУЙСЯ, ЦВѢ́ТЕ БОЖЕ́СТВЕННОГО САЖДЕ́НІЯ.
РА́ДУЙСЯ, ЛОЗО́ ДОБРОДЕ́ТЕЛЬНАЯ ВИНОГРА́ДА ХРИСТО́ВА;
РА́ДУЙСЯ, ДРЕ́ВО ЧУДОТО́ЧНОЕ РА́Я ИИСУ́СОВА.
РА́ДУЙСЯ, КРИ́НЕ РА́ЙСКАГО ПРОЗЯБѢ́НІЯ;
РА́ДУЙСЯ, МІРО ХРИСТО́ВА БЛАГОУХА́НІЯ.
РА́ДУЙСЯ, ЯКО́ ТОБО́Ю ОТГОНІ́ТСЯ РЫДА́НИЕ;
РА́ДУЙСЯ, ЯКО́ ТОБО́Ю ПРИНО́СИТСЯ РА́ДОВАНИЕ.
РА́ДУЙСЯ, НИКО́ЛАЕ, ВЕЛІ́КИЙ ЧУДОТВО́РЧЕ.

КОНДАК 2.

ВІДЯЩЕ ТВОЙХ МІР ИЗЛІЯНІЕ, БОГОМЎДРЕ,
ПРОСВЕЩАЕМСЯ ДУШАМИ И ТЕЛЕСЫ, ДІВНАГО ТЯ
МИРОТОЧЦА ЖИВОНОСНА, НИКОЛАЕ, РАЗУМІЮЩЕ:
ЧУДЕСЫ БО, ЯКО ВОДАМИ, БЛАГОДАТІЮ БОЖІЕЮ
ИЗЛИВАЮЩИМИСЯ, НАПАЯЕШИ ВЕРНО ВОПИЮЩИХ БОГУ:
АЛЛИЛУІА.

ІКОС 2.

РАЗУМ НЕУРАЗУМЕННЫЙ ВРАЗУМЛЯЯ О СВЯТЕЙ ТРОИЦЕ,
БЫЛ ЕСИ В НИКЕИ СО СВЯТЫМИ ОТЦЫ ПОБОРНИК
ИСПОВЕДАНИЯ ПРАВОСЛАВНЫЯ ВЕРЫ:
РАВНА БО ОТЦУ СЫНА ИСПОВЕДАЛ ЕСИ, СОПРИСНОСУЩНА
И СОПРЕСТОЛЬНА, АРИЯ ЖЕ БЕЗУМНАГО ОБЛИЧИЛ ЕСИ.
СЕГО РАДИ ВЕРНИИ НАУЧИШАСЯ ВОСПЕВАТИ ТЕБЕ:
РАДУЙСЯ, ВЕЛИКИЙ БЛАГОЧЕСТИЯ СТОЛПЕ;
РАДУЙСЯ, ВЕРНЫХ ПРИБЕЖИЩА ГРАДЕ.
РАДУЙСЯ, ТВЕРДОЕ ПРАВОСЛАВІЯ УКРЕПЛЕНИЕ;
РАДУЙСЯ, ЧЕСТНОЕ ПРЕСВЯТЫЯ ТРОИЦЫ НОСИЛО И
ПОХВАЛЕНИЕ.
РАДУЙСЯ, ОТЦУ РАВНОЧЕСТНА СЫНА ПРОПОВЕДАВЫЙ;
РАДУЙСЯ, АРИЯ ВОЗБЕСИВШАГОСЯ ОТ СОБОРА СВЯТЫХ
ОТГНАВЫЙ.
РАДУЙСЯ, ОТЧЕ, ОТЦЕВ СЛАВНАЯ КРАСОТО;
РАДУЙСЯ, ВСЕХ БОГОМУДРЫХ ПРЕМУДРАЯ ДОБРОТО.
РАДУЙСЯ, ОГНЕННАЯ СЛОВЕСА ИСПУЩАЯЙ;
РАДУЙСЯ, ДОБРЕ СТАДО СВОЕ НАСТАВЛЯЯЙ.
РАДУЙСЯ, ЯКО ТОБОЮ ВЕРА УТВЕРЖДАЕТСЯ;
РАДУЙСЯ, ЯКО ТОБОЮ ЕРЕСЬ НИЗЛАГАЕТСЯ.
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДАК 3.

СИЛОЮ, ДАННОЮ ТИ СВЫШЕ, СЛЕЗУ ВСЯКУ ОТЪЯЛ ЕСИ ОТ
ЛИЦА ЛЮТЕ СТРАЖДУЩИХ, БОГОНОСНЕ ОТЧЕ НИКОЛАЕ:
АЛЧУЩИМ БО ЯВИЛСЯ ЕСИ КОРМИТЕЛЬ, В ПУЧИНЕ
МОРСТЕЙ СУЩИМ ИЗРЯДНЫЙ ПРАВИТЕЛЬ, НЕДУГУЮЩИМ
ИСЦЕЛЕНИЕ И ВСЕМ ВСЯК ПОМОЩНИК ПОКАЗАЛСЯ ЕСИ,
ВОПИЮЩИМ БОГУ: АЛЛИЛУИА.

ИКОС 3.

ИМЕЯШЕ ВОИСТИНУ, ОТЧЕ НИКОЛАЕ, С НЕБЕСЕ ПЕСНЬ
ТЕБЕ ВОСПЕВАЕМА БЫТИ, А НЕ ОТ ЗЕМЛИ: КАКО БО КТО ОТ
ЧЕЛОВЕК ВОЗМОЖЕТ ТВОЕЯ СВЯТЫНИ ВЕЛИЧИЯ
ПРОПОВЕДАТИ?

НО МЫ, ЛЮБОВИЮ ТВОЕЮ ПОБЕЖДАЕМИ, ВОПИЕМ ТИ
СИЦЕ:

РАДУЙСЯ, ОБРАЗЕ АГНЦЕВ И ПАСТЫРЕЙ;

РАДУЙСЯ, СВЯТОЕ ОЧИСТИЛИЩЕ НРАВОВ.

РАДУЙСЯ, ДОБРОДЕТЕЛЕЙ ВЕЛИКИХ ВМЕСТИЛИЩЕ;

РАДУЙСЯ, СВЯТЫНИ ЧИСТОЕ И ЧЕСТНОЕ ЖИЛИЩЕ.

РАДУЙСЯ, СВЕТИЛЬНИЧЕ ВСЕСВЕТЛЫЙ И ВСЕЛЮБИМЫЙ;

РАДУЙСЯ, СВЕТЕ ЗЛАТОЗАРНЫЙ И НЕПОРОЧНЫЙ.

РАДУЙСЯ, ДОСТОЙНЫЙ АНГЕЛОВ СОБЕСЕДНИЧЕ;

РАДУЙСЯ, ДОБРЫЙ ЧЕЛОВЕКОВ НАСТАВНИЧЕ.

РАДУЙСЯ, ПРАВИЛО ВЕРЫ БЛАГОЧЕСТИВЫЯ;

РАДУЙСЯ, ОБРАЗЕ КРОТОСТИ ДУХОВНЫЯ.

РАДУЙСЯ, ЯКО ТОБОЮ ОТ СТРАСТЕЙ ТЕЛЕСНЫХ
ИЗБАВЛЯЕМСЯ;

РАДУЙСЯ, ЯКО ТОБОЮ СЛАДОСТЕЙ ДУХОВНЫХ
ИСПОЛНЯЕМСЯ.

РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДАК 4.

БУ́РЯ НЕДОУМЕ́НИЯ СМУЩА́ЕТ МИ́ УМ, КА́КО ДОСТО́ЙНО
Е́СТЬ ПЕ́ТИ ЧУДЕСА́ ТВОЯ́, БЛАЖЕ́ННЕ НИКО́ЛАЕ?
НИКТО́ЖЕ БО МО́ЖЕТ Я́ ИСЧЕСТИ́, А́ЩЕ БЫ́ И МНО́ГИ
ЯЗЫ́КИ ИМЕ́Л И ГЛАГО́ЛАТИ ВОСХОТЕ́Л;
НО МЫ́, ДИ́ВНО БО́ГУ В ТЕБЕ́ ПРОСЛАВЛЯ́ЮЩЕМУ́СЯ,
ДЕРЗА́ЕМ ВОСПЕВА́ТИ: АЛЛИЛУ́ИА.

ЇКОС 4.

СЛЫ́ШАША, БОГОМУ́ДРЕ НИКО́ЛАЕ, БЛІ́ЖНИИ́ И ДА́ЛЬНИИ
ВЕЛІ́ЧИЕ ЧУДЕ́С ТВОИ́Х, Я́КО ПО ВОЗДУ́ХУ ЛЕ́ГКИМИ
БЛАГОДА́ТНЫМИ КРИЛА́МИ НАВЫ́КЛ ЕСИ́ СУ́ЩИХ В БЕДА́Х
ПРЕДВА́РЯТИ, СКО́РО ОТ ТЕ́Х ИЗБАВЛЯ́Я ВСЕ́Х, ВОПИЮ́ЩИХ
К ТЕБЕ́ ТАКОВА́Я:

РА́ДУЙСЯ, ИЗБАВЛЕ́НИЕ ОТ ПЕЧА́ЛИ;

РА́ДУЙСЯ, ПОДА́ЯНИЕ БЛАГОДА́ТИ.

РА́ДУЙСЯ, НЕЧА́ЕМЫХ ЗО́Л ПРОГОНІ́ТЕЛЮ;

РА́ДУЙСЯ, ЖЕЛА́ЕМЫХ БЛАГІ́Х НАСАДІ́ТЕЛЮ.

РА́ДУЙСЯ, СКО́РЫЙ УТЕ́ШИТЕЛЮ́ В БЕДЕ́ СУ́ЩИХ;

РА́ДУЙСЯ, СТРА́ШНЫЙ НАКАЗА́ТЕЛЮ ОБІ́ДЯЩИХ.

РА́ДУЙСЯ, ЧУДЕ́С ПУЧІ́НО, БО́ГОМ ИЗЛИ́ЯННАЯ;

РА́ДУЙСЯ, ЗАКОНА́ ХРИСТО́ВА СКРИЖА́ЛИ, БО́ГОМ
ПІ́САННЫЯ.

РА́ДУЙСЯ, КРЕ́ПКОЕ ПА́ДАЮЩИХ ВОЗВЕДЕ́НИЕ;

РА́ДУЙСЯ, ПРА́ВО СТОЯ́ЩИХ УТВЕРЖДЕ́НИЕ.

РА́ДУЙСЯ, Я́КО ТОБО́Ю ВСЯ́КАЯ ЛЕ́СТЬ ОБНАЖА́ЕТСЯ;

РА́ДУЙСЯ, Я́КО ТОБО́Ю ВСЯ́КАЯ І́СТИНА СБЫВА́ЕТСЯ.

РА́ДУЙСЯ, НИКО́ЛАЕ, ВЕЛІ́КИЙ ЧУДОТВО́РЧЕ.

КОНДАК 5.

БОГОТЁЧНАЯ ЗВЕЗДА ЯВИЛСЯ ЕСИ, НАСТАВЛЯЯ ПО МО́РЮ
ПЛА́ВАЮЩИХ ЛЮ́ТЕ, ЁМЖЕ СМЁ́РТЬ ПРЕДСТО́ЯШЕ ВСКО́РЕ
ИНОГДА́, АЩЕ НЕ БЫ ТЫ́ ПРЕДСТА́Л ЕСИ́ ПРИЗЫВА́ЮЩИМ
ТЯ́ В ПО́МОЩЬ, ЧУДОТВО́РЧЕ СВЯТЫ́Й НИКО́ЛАЕ;
УЖЕ́ БО НЕСТЫ́ДНО БЕСО́М ЛЕТА́ЮЩИМ И ПОГРУЗИ́ТИ
КОРАБЛИ́ ХОТЯ́ЩИМ ЗАПРЕТИ́В, ОТГНА́Л ЕСИ́ ЁХ, ВЁ́РНЫЯ
ЖЕ НАУЧИ́Л ЕСИ́ СПАСА́ЮЩЕМУ ТОБО́Ю БО́ГУ ВЗЫВА́ТИ:
АЛЛИЛУ́ИА.

ЎКОС 5.

ВИДЕША ОТРОКОВИ́ЦЫ, НА БРА́К СКВЁ́РНЫЙ НИЩЕ́ТЫ
РА́ДИ УГОТОВАННЫ́Я, ВЕЛИ́КОЕ ТВОЁ К НИ́ЩИМ
МИЛОСЁ́РДИЕ, ПРЕБЛАЖЁ́ННЕ О́ТЧЕ НИКО́ЛАЕ, ЕГДА́
СТА́РЦУ РОДИ́ТЕЛЮ ЁХ НО́ЩИЮ УЗЕЛЬЦЫ́ ТРИ́ ЗЛА́ТА
ТА́ЯСЯ ПОДА́Л ЕСИ́, САМАГО́ СО ДИ́ЩЕРЬМИ ИЗБАВЛЯ́Я ОТ
ПАДЁ́НИЯ ГРЕХО́ВНАГО.

ТОГО́ РА́ДИ СЛЫ́ШИШИ ОТ ВСЁ́Х СИ́ЦЕ:
РА́ДУЙСЯ, МИ́ЛОСТИ ПРЕВЕЛИ́КІЯ СОКРО́ВИЩЕ;
РА́ДУЙСЯ, ПРОМЫШЛЁ́НИЯ О ЛЮ́ДЕХ ПРИЯ́ТЕЛИЩЕ.
РА́ДУЙСЯ, ПИ́ЩЕ И ОТРА́ДО К ТЕБЁ́ ПРИБЕГА́ЮЩИХ;
РА́ДУЙСЯ, ХЛЕ́БЕ НЕСНЕДА́ЕМЫЙ А́ЛЧУЩИХ.
РА́ДУЙСЯ, БОГА́ТСТВО, БЕ́ДНЕ ЖИВУ́ЩИМ НА ЗЕМЛІ́,
БО́ГОМ ДА́ННОЕ;
РА́ДУЙСЯ, ВОЗДВИ́ЖЕНИЕ СКО́РОЕ УБО́ГИХ.
РА́ДУЙСЯ, БЫ́СТРОЕ НИ́ЩИХ УСЛЫ́ШАНИЕ;
РА́ДУЙСЯ, СКОРБЯ́ЩИХ ПРИЯ́ТНОЕ ПОПЕЧЁ́НИЕ.
РА́ДУЙСЯ, ТРИ́ЁХ ДЁ́В НЕПОРО́ЧНЫЙ НЕВЕСТИ́ТЕЛЮ;
РА́ДУЙСЯ, ЧИСТО́ТЫ УСЁ́РДНЫЙ ХРАНИ́ТЕЛЮ.
РА́ДУЙСЯ, НЕНАДЕ́ЖНЫХ НАДЕ́ЯНИЕ;
РА́ДУЙСЯ, ВСЕГО́ МИ́РА НАСЛАЖДЁ́НИЕ.
РА́ДУЙСЯ, НИКО́ЛАЕ, ВЕЛИ́КИЙ ЧУДОТВО́РЧЕ.

КОНДАК 6.

ПРОПОВЕДУЕТ МІР ВЕСЬ ТЕБЕ, ПРЕБЛАЖЕННЕ НИКОЛАЕ,
СКОРАГО В БЕДАХ ЗАСТУПНИКА: ЯКО МНОГАЖДЫ ВО
ЕДИНЕМ ЧАСЕ, ПО ЗЕМЛИ ПУТЕШЕСТВУЮЩИМ И ПО
МОРЕЮ ПЛАВАЮЩИМ, ПРЕДВАРЯЯ, ПОСОБСТВУЕШИ,
КУПНО ВСЕХ ОТ ЗЛЫХ СОХРАНЯЯ, ВОПИЮЩИХ К БОГУ:
АЛЛИЛУИА.

ІКОС 6.

ВОЗСИЯЛ ЕСІ СВЕТ ЖИВОТНЫЙ, ИЗБАВЛЕНИЕ НОСЯ
ВОЕВОДАМ, НЕПРАВЕДНУЮ СМЕРТЬ ПРИЯТИ ИМУЩИМ,
ТЕБЕ, ДОБРЫЙ ПАСТЫРЮ НИКОЛАЕ, ПРИЗЫВАЮЩИМ,
ЕГДА ВСКОРЕ ЯВЛСЯ ВО СНЕ ЦАРЕВИ, УСТРАШИЛ ЕСІ ЕГО,
СИХ ЖЕ НЕВРЕЖДЕННЫХ ОТПУСТИТИ ПОВЕЛЕЛ ЕСІ.
СЕГО РАДИ С НИМИ КУПНО И МЫ БЛАГОДАРСТВЕННО
ВОПИЕМ ТИ:

РАДУЙСЯ, УСЕРДНО ПРИЗЫВАЮЩИМ ТЯ ПОМОГАЯИ;
РАДУЙСЯ, ОТ НЕПРАВЕДНАГО УБИЕНИЯ ИЗБАВЛЯЯИ.
РАДУЙСЯ, ОТ ЛЕСТНЫЯ СОХРАНЯЯИ КЛЕВЕТЫ;
РАДУЙСЯ, НЕПРАВЕДНЫЯ РАЗРУШАЯИ СОВЕТЫ.
РАДУЙСЯ, РАСТЕРЗАЯИ ЛЖУ ЯКО ПАУЧИНУ;
РАДУЙСЯ, ВОЗНОШАЯИ СЛАВНО ИСТИНУ.
РАДУЙСЯ, НЕПОВИННЫХ ОТ УЗ РАЗРЕШЕНИЕ;
РАДУЙСЯ, И МЕРТВЕЦЕВ ОЖИВЛЕНИЕ.
РАДУЙСЯ, ПРОЯВИТЕЛЮ ПРАВДЫ;
РАДУЙСЯ, ПОМРАЧИТЕЛЮ НЕПРАВДЫ.
РАДУЙСЯ, ЯКО ТОБОЮ НЕПОВИННИИ ИЗБАВЛЕНИ ОТ
МЕЧА;
РАДУЙСЯ, ЯКО ТОБОЮ НАСЛАДИШАСЯ СВЕТА.
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДАК 7.

ХОТЯ БОГОХУЛЬНОЕ ЕРЕТИЧЕСКОЕ ОТГНАТИ
ЗЛОСМРАДИЕ, МІРО ВОЙСТИНУ БЛАГОВОННОЕ,
ТАИНСТВЕННОЕ ЯВИЛСЯ ЕСІ, НИКОЛАЕ:
ЛЮДИ МИРЕЙСКІЯ УПАСЛ ЕСІ И ВЕСЬ МІР СВОІМ
БЛАГОДАТНЫМ МІРОМ ИСПОЛНИЛ ЕСІ.
И ОТ НАС УБО БОГОМЕРЗКОЕ ГРЕХОВНОЕ ЗЛОСМРАДИЕ
ОТЖЕНИ, ДА БЛАГОПРИЯТНО БОГУ ВОПИЕМ: АЛЛИЛУІА

ІКОС 7.

НОВАГО ТЯ НОЯ, НАСТАВНИКА КОВЧЕГА СПАСИТЕЛЬНОГО
РАЗУМЕЕМ, ОТЧЕ СВЯТЫЙ НИКОЛАЕ, БУРЮ ВСЕХ ЛЮТЫХ
РАЗГОНЯЮЩАГО НАПРАВЛЕНИЕМ СВОІМ, ТИШИНУ ЖЕ
БОЖЕСТВЕННУЮ ПРИНОСЯЩАГО ВОПИЮЩИМ ТАКОВАЯ:
РАДУЙСЯ, ОБУРЕВАЕМЫХ ТИХОЕ ПРИСТАНИЩЕ;
РАДУЙСЯ, УТОПАЮЩИХ ИЗВЕСТНОЕ ХРАНИЛИЩЕ.
РАДУЙСЯ, ПЛАВАЮЩИХ ПОСРЕДЕ ПУЧИН ДОБРЫЙ
КОРМЧИЙ;
РАДУЙСЯ, ТРЕВОЛНЕНИЯ МОРСКАЯ УСТАВЛЯЮЩИЙ.
РАДУЙСЯ, ПРЕВОЖДЕНИЕ СУЩИХ В ВІХРЕХ;
РАДУЙСЯ, СОГРЕЯНИЕ СУЩИХ ВО МРАЗЕХ.
РАДУЙСЯ, СИЯНИЕ, СКОРБНЫЙ МРАК РАЗГОНЯЮЩЕЕ;
РАДУЙСЯ, СВЕТИЛО, ВСЯ КОНЦЫ ЗЕМЛИ ПРОСВЕЩАЮЩЕЕ.
РАДУЙСЯ, ОТ БЕЗДНЫ ГРЕХОВНЫЯ ЧЕЛОВЕКИ ИЗБАВЛЯЯЙ;
РАДУЙСЯ, В БЕЗДНУ АДСКУЮ САТАНУ ВВЕРГАЯЙ.
РАДУЙСЯ, ЯКО ТОБОЮ ДЕРЗНОВЕННО БЕЗДНУ
МИЛОСЕРДИЯ БОЖИЯ ПРИЗЫВАЕМ;
РАДУЙСЯ, ЯКО ТОБОЮ ОТ ПОТОПА ГНЕВА ИЗБАВЛЫШЕСЯ,
МІР С БОГОМ ОБРЕТАЕМ.
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДАК 8.

СТРА́ННОЕ ЧУ́ДО ЯВЛЯ́ЕТСЯ ПРИТЕКА́ЮЩИМ К ТЕБЕ́,
БЛАЖЕ́ННЕ НИКО́ЛАЕ, СВЯЩЕ́ННАЯ ТВОЯ́ ЦЕ́РКОВЬ:
В НЕ́Й БО И МА́ЛОЕ МОЛЕ́НИЕ ПРИНОСЯ́ЩЕ, ВЕ́ЛИИХ
НЕДУ́ГОВ ПРИЕ́МЛЕМ ИСЦЕЛЕ́НИЕ, А́ЩЕ ТО́КМО ПО БО́ЗЕ
УПОВА́НИЕ НА ТЯ́ ВОЗЛОЖИ́М, ВЕ́РНО ВОПИ́ЮЩЕ:
АЛЛИЛУ́ИА.

ЇКОС 8.

ВЕ́СЬ ЕСИ́ ВСЕ́М ВОИ́СТИНУ ПОМО́ЩНИК, БОГОНО́СЕ
НИКО́ЛАЕ, И СОБРА́Л ЕСИ́ ВКУ́ПЕ ВСЯ́ ПРИБЕГА́ЮЩΙΑ К
ТЕБЕ́, ЯКО СВОБОДИ́ТЕЛЬ, ПИТА́ТЕЛЬ И ВРА́Ч СКО́РЫЙ
ВСЕ́М ЗЕМНЫ́М, НА ПОХВАЛУ́ ВСЕ́Х ПОДВИЗА́Я ВОПИ́ТИ К
ТЕБЕ́ СИ́ЩЕ:

РА́ДУЙСЯ, ВСЯ́КИХ ИСЦЕЛЕ́НИЙ ИСТО́ЧНИЧЕ;

РА́ДУЙСЯ, ЛЮ́ТЕ СТРА́ЖДУЩИМ ПОМО́ЩНИЧЕ.

РА́ДУЙСЯ, ЗАРЕ́, СИЯ́ЮЩАЯ В НОЩИ́ ГРЕХО́ВНЕЙ
БЛУЖДА́ЮЩИМ;

РА́ДУЙСЯ, РОСО́ НЕБОТО́ЧНАЯ В ЗНО́И ТРУДО́В СУ́ЩИМ.

РА́ДУЙСЯ, ПОДАВА́ЯЙ ТРЕ́БУЮЩИМ БЛАГОСТРОЕ́НИЕ;

РА́ДУЙСЯ, УГОТОВЛЯ́ЯЙ ПРОСЯ́ЩИМ ИЗОБИ́ЛИЕ.

РА́ДУЙСЯ, МНО́ГАЖДЫ ПРОШЕ́НИЕ ПРЕДВАРЯ́ЯЙ;

РА́ДУЙСЯ, СТА́РЫМ СЕДИ́НАМ СИ́ЛУ ОБНОВЛЯ́ЯЙ.

РА́ДУЙСЯ, МНО́ГИХ ЗАБЛУ́ЖДШИХ ОТ ПУТИ́ ИСТИ́ННАГО
ОБЛИЧИ́ТЕЛЮ;

РА́ДУЙСЯ, ТА́ИН БО́ЖИИХ ВЕ́РНЫЙ СЛУЖИ́ТЕЛЮ.

РА́ДУЙСЯ, ЯКО ТОБО́Ю ЗА́ВИСТЬ ПОПИРА́ЕМ;

РА́ДУЙСЯ, ЯКО ТОБО́Ю БЛАГОНРА́ВНОЕ ЖИТИЕ́
ИСПРАВЛЯ́ЕМ.

РА́ДУЙСЯ, НИКО́ЛАЕ, ВЕЛИ́КИЙ ЧУДОТВО́РЧЕ.

КОНДАК 9.

ВСЯКІЯ УТОЛІ БОЛѢЗНИ, ВЕЛІКИЙ НАШ ЗАСТУПНИЧЕ
НИКОЛАЕ, РАСТВОРЯЯ БЛАГОДАТНАЯ ВРАЧЕВАНІЯ,
УСЛАЖДАЮЩА ДУШИ НАША, СЕРДЦА ЖЕ ВЕСЕЛЯЩАЯ
ВСѢХ УСЕРДНО К ПОМОЩИ ТВОЕЙ ПРИТЕКАЮЩИХ, БОГУ
ЖЕ ВОПИЮЩИХ: АЛЛИЛУІА

ЎКОС 9.

ВИТІЯ СУЕМУДРЕННЫЯ НЕЧЕСТІВЫХ ВІДИМ ТОБОЮ
ПОСРАМЛЕННЫЯ, БОГОМУДРЕ ОТЧЕ НИКОЛАЕ: АРІЯ БО
ХУЛЬНИКА, РАЗДЕЛЯЮЩА БОЖЕСТВО, И САВЕЛЛИЯ,
СМЕШАЮЩА СВЯТУЮ ТРОИЦУ, ПРЕПРЕЛ, НАС ЖЕ ВО
ПРАВОСЛАВІИ УКРЕПИЛ ЕСІ. СЕГО РАДИ ВОПИЕМ ТІ
СИЦЕ:

РАДУЙСЯ, ШІТЕ, ЗАЩИЩАЯЙ БЛАГОЧѢСТІЕ;

РАДУЙСЯ, МЕЧУ, ПОСЕЦАЯЙ ЗЛОЧѢСТІЕ.

РАДУЙСЯ, УЧИТЕЛЮ БОЖЕСТВЕННЫХ ВЕЛЕНІЙ;

РАДУЙСЯ, ГУБИТЕЛЮ БОГОПРОТІВНЫХ УЧЕНІЙ.

РАДУЙСЯ, ЛѢСТВИЦЕ, БОГОМ УТВЕРЖДѢННАЯ, ЁЮЖЕ
ВОСХОДИМ К НЕБЕСІ;

РАДУЙСЯ, ПОКРОВЕ, БОГОМ ЗДАННЫЙ, ІМЖЕ
ПОКРЫВАЮТСЯ МНОЗИ.

РАДУЙСЯ, НЕМУДРЫХ УМУДРИВЫЙ ТВОИМИ СЛОВЕСЫ;

РАДУЙСЯ, ЛЕНИВЫХ ПОДВИГНУВЫЙ ТВОИМИ НРАВЫ.

РАДУЙСЯ, СВѢТЛОСТЕ ЗАПОВЕДЕЙ БОЖИИХ НЕУТАСИМАЯ;

РАДУЙСЯ, ЛУЧЕ ОПРАВДАНИЙ ГОСПОДНИХ ПРЕСВѢТЛАЯ.

РАДУЙСЯ, ЯКО УЧЕНИЕМ ТВОИМ СОКРУШАЮТСЯ

ЕРЕТІЧЕСКІЯ ГЛАВЫ;

РАДУЙСЯ, ЯКО ТОБОЮ ВѢРНИИ СПОДОБЛЯЮТСЯ СЛАВЫ.

РАДУЙСЯ, НИКОЛАЕ, ВЕЛІКИЙ ЧУДОТВОРЧЕ.

КОНДАК 10.

СПАСІТІ ХОТЯ ДУШУ, ПЛОТЬ ТВОЮ ДУХОВИ ПОКОРИЛ ЕСІ
ВОИСТИНУ, ОТЧЕ НАШ НИКОЛАЕ: МОЛЧАЊМИ БО
ПРЕЖДЕ И БОРЕЊМИ С ПОМЫСЛИ, ДЕЯЊИЮ
БОГОМЫСЛИЕ ПРИЛОЖІЛ ЕСІ, БОГОМЫСЛИЕМ ЖЕ
РАЗУМ СОВЕРШЕН СТЯЖАЛ ЕСІ, ЇМЖЕ ДЕРЗНОВЕННО С
БОГОМ И АНГЕЛЫ БЕСЕДОВАЛ ЕСІ, ВСЕГДА ВОПИЯ:
АЛЛИЛУІА.

ЇКОС 10.

СТЕНА ЕСІ ПОХВАЛЯЮЩИМ, ПРЕБЛАЖЕННЕ, ЧУДЕСА ТВОЯ
И ВСЕМ К ЗАСТУПЛЕНИЮ ТВОЕМУ ПРИБЕГАЮЩИМ;
ТЕМЖЕ И НАС, В ДОБРОДЕТЕЛИ УБОГИХ, ОТ НИЩЕТЫ,
НАПАСТИ, НЕДУГОВ И НУЖД РАЗЛИЧНЫХ СВОБОЖДАЙ,
ВОПИЮЩИХ ТИ С ЛЮБОВИЮ ТАКОВАЯ:
РАДУЙСЯ, ОТ УБОЖЕСТВА ВЕЧНАГО ИЗЫМАЯЙ;
РАДУЙСЯ, БОГАТСТВО НЕТЛЕННОЕ ПОДАВАЯЙ.
РАДУЙСЯ, БРАШНО НЕГИБЛЮЩЕЕ АЛЧУЩИМ ПРАВДЫ;
РАДУЙСЯ, ПИТИЕ НЕИСЧЕРПАЕМОЕ ЖАЖДУЩИМ ЖИЗНИ.
РАДУЙСЯ, ОТ МЯТЕЖА И БРАНИ СОБЛЮДАЯЙ;
РАДУЙСЯ, ОТ УЗ И ПЛЕНЕНИЯ СВОБОЖДАЯЙ.
РАДУЙСЯ, ПРЕСЛАВНЫЙ В БЕДАХ ЗАСТУПНИЧЕ;
РАДУЙСЯ, ПРЕВЕЛИКИЙ В НАПАСТЕХ ЗАЩИТНИЧЕ.
РАДУЙСЯ, МНОГИХ ОТ ПОГИБЕЛИ ИСХИТИВЫЙ;
РАДУЙСЯ, БЕЗЧИСЛЕННЫХ НЕВРЕЖДЕННО СОХРАНИВЫЙ.
РАДУЙСЯ, ЯКО ТОБОЮ ЛЮТЫЯ СМЕРТИ ГРЕШНИИ
ИЗБЕГАЮТ;
РАДУЙСЯ, ЯКО ТОБОЮ ЖИЗНЬ ВЕЧНУЮ КАЮЩИИСЯ
ПОЛУЧАЮТ.
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДАК 11.

ПѢНИЕ ПРЕСВЯТѢЙ ТРО́ИЦЕ ПА́ЧЕ ИНЫ́Х ПРИНѢСЛ ЕСІ́,
ПРЕБЛАЖѢННЕ НИКО́ЛАЕ, УМО́М, СЛÓВОМ И ДѢЛОМ:
МНО́ГИМ БО ИСПЫТА́НИЕМ ПРАВОВѢРНАЯ ПОВЕЛѢНІЯ
УЯСНИ́Л ЕСІ́, ВѢРО́Ю, НАДѢ́ЖДОЮ И ЛЮБÓВИЮ
НАСТАВЛЯ́Я НА́С В ТРО́ИЦЕ ЕДИ́НОМУ БО́ГУ ВОСПЕВА́ТИ:
АЛЛИЛУ́ИА.

ЎКОС 11.

СВЕТОЗÁРНУЮ ЛУЧУ́ ВО МРА́ЦЕ ЖИТИ́Я СУ́ЩИМ
НЕУГАСИ́МУЮ ВІ́ДИМ ТЯ́, БО́ГОМ ИЗБРА́ННЕ О́ТЧЕ
НИКО́ЛАЕ: С НЕВЕЩѢ́СТВЕННЫМИ БО А́НГЕЛЬСКИМИ
СВѢ́ТЫ БЕСѢ́ДУЕШИ О НЕСОЗДА́ННОМ ТРО́ИЧЕСКОМ
СВѢ́ТЕ, ВѢ́РНЫХ ЖЕ ДУ́ШИ ПРОСВЕЩА́ЕШИ, ВОПИЮ́ЩИХ ТИ́
ТАКОВА́Я:

РА́ДУЙСЯ, ОЗА́РЕНИЕ ТРИСО́ЛНЕЧНАГО СВѢ́ТА;
РА́ДУЙСЯ, ДЕННИ́ЦЕ НЕЗАХОДИ́МАГО СО́ЛНЦА.
РА́ДУЙСЯ, СВЕЩѢ́, БОЖѢ́СТВЕННЫМ ПЛА́МЕНЕМ
ВОЗЖЖѢ́ННАЯ; РА́ДУЙСЯ, Я́КО УГАСИ́Л ЕСІ́ БЕСО́ВСКИЙ
ПЛА́МЕНЬ НЕЧѢ́СТІЯ.

РА́ДУЙСЯ, СВѢ́ТЛОЕ ПРАВОВѢ́РІЯ ПРОПОВѢ́ДАНИЕ;
РА́ДУЙСЯ, ДОБРОЗРА́ЧНОЕ СВѢ́ТА ЕВА́НГЕЛЬСКАГО
СИ́ЯНИЕ.

РА́ДУЙСЯ, МО́ЛНИЕ, Е́РЕСИ ПОЖИГА́ЮЩАЯ;
РА́ДУЙСЯ, ГРО́МЕ, УСТРАША́ЮЩИЙ СОБЛАЗНІ́ЮЩИЯ.
РА́ДУЙСЯ, И́СТИННАГО НАУЧИ́ТЕЛЮ РА́ЗУМА;
РА́ДУЙСЯ, ТА́ИНСТВЕННАГО ИЗЪЯВІ́ТЕЛЮ УМА́.

РА́ДУЙСЯ, Я́КО ТОБО́Ю ПОПРА́СЯ ПОКЛОНѢ́НИЕ ТВА́РИ;
РА́ДУЙСЯ, Я́КО ТОБО́Ю НАУЧИ́ХОМСЯ ПОКЛАНЯ́ТИСЯ
ТВО́РЦУ В ТРО́ИЦЕ.

РА́ДУЙСЯ, НИКО́ЛАЕ, ВЕЛІ́КИЙ ЧУДОТВО́РЧЕ.

КОНДАК 12.

БЛАГОДАТЬ, ДАННУЮ ТИ ОТ БОГА, СВЕДУЩИИ,
РАДУЮЩЕСЯ, ТВОЮ ПАМЯТЬ ПРАЗДНУЕМ ПО ДОЛГУ,
ПРЕСЛАВНЫЙ ОТЧЕ НИКОЛАЕ, И К ЧУДНОМУ
ЗАСТУПЛЕНИЮ ТВОЕМУ ВСЕДУШНО ПРИТЕКАЕМ;
ПРЕСЛАВНЫХ ЖЕ ТВОИХ ДЕЯНИЙ, ЯКО ПЕСКА МОРСКАГО
И МНОЖЕСТВА ЗВЕЗДНАГО ИСЧЕСТИ НЕ МОГУЩЕ,
НЕДОУМЕНИЕМ ОБЪЯТИ БЫВШЕ, ВОПИЕМ К БОГУ:
АЛЛИЛУИА.

ИКОС 12.

ПОЮЩЕ ТВОЯ ЧУДЕСА, ВОСХВАЛЯЕМ ТЯ, ВСЕХВАЛЬНЕ
НИКОЛАЕ: В ТЕБЕ БО БОГ, В ТРОИЦЕ ПРОСЛАВЛЯЕМЫЙ,
ДИВНО ПРОСЛАВИСЯ.
НО АЩЕ И ПОПРЕМНОГУ СОСТАВЛЕННЫЯ ОТ ДУШИ
ПСАЛМЫ И ПЕСНИ ПРИНОСИМ ТИ, ЧУДОТВОРЧЕ СВЯТЫЙ,
НИЧТОЖЕ ТВОРИМ РАВНО ДАРОВАНИЮ ЧУДЕС ТВОИХ,
ИМЖЕ УДИВЛЯЮЩЕСЯ, ВОПИЕМ К ТЕБЕ ТАКОВАЯ:
РАДУЙСЯ, ЦАРЯ ЦАРСТВУЮЩИХ И ГОСПОДА
ГОСПОДСТВУЮЩИХ СЛУЖИТЕЛЮ;
РАДУЙСЯ, СЛУЖИТЕЛЕЙ ЕГО НЕБЕСНЫХ СОЖИТЕЛЮ.
РАДУЙСЯ, ЛЮДЕМ ВЕРНЫМ ПОМОЖЕНИЕ;
РАДУЙСЯ, РОДА ХРИСТИАНСКАГО ВОЗВЫШЕНИЕ.
РАДУЙСЯ, ПОБЕДЫ ТЕЗОИМЕННЫЙ;
РАДУЙСЯ, ВЕНЦЕНОСЧЕ НАРОЧИТЫЙ.
РАДУЙСЯ, ВСЕХ ДОБРОДЕТЕЛЕЙ ЗЕРЦАЛО;
РАДУЙСЯ, ВСЕХ ПРИТЕКАЮЩИХ К ТЕБЕ КРЕПКОЕ ЗАБРАЛО.
РАДУЙСЯ, ПО БОЗЕ И БОГОРОДИЦЕ, ВСЕ НАШЕ УПОВАНИЕ;
РАДУЙСЯ, ТЕЛЕС НАШИХ ЗДРАВЬЕ И ДУШ СПАСЕНИЕ.
РАДУЙСЯ, ЯКО ТОБОЮ ОТ ВЕЧНЫЯ СМЕРТИ
СВОБОЖДАЕМСЯ;
РАДУЙСЯ, ЯКО ТОБОЮ БЕЗКОНЕЧНЫЯ ЖИЗНИ
СПОДОБЛЯЕМСЯ.
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.

КОНДА́К 13.

О ПРЕСВЯТЫ́Й И ПРЕЧУ́ДНЫЙ О́ТЧЕ НИКО́ЛАЕ, УТЕШЕ́НИЕ
ВСЕ́Х СКОРБЯ́ЩИХ, НЫ́НЕШНЕЕ НА́ШЕ ПРИИ́МИ
ПРИНОШЕ́НИЕ И ОТ ГЕ́ЕННЫ ИЗБА́ВИТИСЯ НА́М ГО́СПОДА
УМО́ЛИ БОГОПРИЯ́ТНЫМ ТВОИ́М ХОДА́ТАЙСТВОМ, ДА С
ТОБО́Ю ВОСПЕВА́ЕМ: АЛЛИЛУ́ИА.

**ЭТОТ КОНДА́К ЧИТА́ЕТСЯ ТРИ́ЖДЫ, ЗАТЕ́М 1-й Ё́КОС И 1-
й КОНДА́К.**

Ё́КОС 1.

А́НГЕЛА О́БРАЗОМ, ЗЕМНА́ГО СУ́ЩА ЕСТЕСТВО́М, ЯВ́И ТЕБЕ́
ВСЕ́Я ТВА́РИ СОЗДА́ТЕЛЬ:

БЛАГОПЛО́ДНУЮ БО ДОБРО́ТУ ДУШ́И ТВОЕ́Я ПРОВ́ИДЕВ,
ПРЕБЛАЖЕ́ННЕ НИКО́ЛАЕ, НАУЧИ́ ВСЕ́Х ВОПИ́ТИ ТЕБЕ́
СИ́ЦЕ:

РА́ДУЙСЯ, ОТ УТРО́БЫ МА́ТЕРНИА ОЧИЩЕ́ННЫЙ;

РА́ДУЙСЯ, ДА́ЖЕ ДО КОНЦА́ ОСВЯЩЕ́ННЫЙ.

РА́ДУЙСЯ, РОЖДЕ́НИЕМ СВОИ́М РОДИ́ТЕЛЕЙ УДИВИ́ВЫЙ;

РА́ДУЙСЯ, СИ́ЛУ ДУШЕ́ВНУЮ А́БИЕ ПО РОЖДЕСТВЕ́

ЯВИ́ВЫЙ.

РА́ДУЙСЯ, СА́ДЕ ЗЕМЛИ́ ОБЕТОВА́НИЯ;

РА́ДУЙСЯ, ЦВЕ́ТЕ БОЖЕ́СТВЕННАГО САЖДЕ́НИЯ.

РА́ДУЙСЯ, ЛОЗО́ ДОБРОДЕ́ТЕЛЬНАЯ ВИНОГРА́ДА ХРИСТО́ВА;

РА́ДУЙСЯ, ДРЕ́ВО ЧУДОТО́ЧНОЕ РА́Я ИИСУ́СОВА.

РА́ДУЙСЯ, КРИ́НЕ РА́ЙСКАГО ПРОЗЯБЕ́НИЯ;

РА́ДУЙСЯ, МИ́РО ХРИСТО́ВА БЛАГОУХА́НИЯ.


РА́ДУЙСЯ, Я́КО ТОБО́Ю ОТГО́НИТСЯ РЫДА́НИЕ;

РА́ДУЙСЯ, Я́КО ТОБО́Ю ПРИНО́СИТСЯ РА́ДОВАНИЕ.

РА́ДУЙСЯ, НИКО́ЛАЕ, ВЕЛИ́КИЙ ЧУДОТВО́РЧЕ.

КОНДАК 1.

ВОЗБРАННЫЙ ЧУДОТВОРЧЕ И ИЗРЯДНЫЙ УГОДНИЧЕ
ХРИСТОВ, МИРУ ВСЕМУ ИСТОЧАЯЙ МНОГОЦЕННОЕ
МИЛОСТИ МИРО И НЕИСЧЕРПАЕМОЕ ЧУДЕС МОРЕ,
ВОСХВАЛЯЮ ТЯ ЛЮБОВИЮ, СЯТИТЕЛЮ НИКОЛАЕ; ТЫ ЖЕ,
ЯКО ИМЕЯЙ ДЕРЗНОВЕНИЕ КО ГОСПОДУ, ОТ ВСЯКИХ МЯ
БЕД СВОБОДИ, ДА ЗОВУ ТИ:
РАДУЙСЯ, НИКОЛАЕ, ВЕЛИКИЙ ЧУДОТВОРЧЕ.



КОПИЯ ЧУДОТВОРНОЙ ИКОНЫ
НИКОЛАЯ ЧУДОТВОРЦА УСТРИЧНОГО